

PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
01 FEBRUARI 2018
KHAMIS



AKHBAR	TAJUK BERITA	M/S
SINAR HARIAN	MAHU MASYARAKAT INDIA BERSAMA JAYAKAN DEKAD BAHARU JOHOR	2
UTUSAN MALAYSIA	KUIL JADI PENGHUBUNG KERAJAAN, RAKYAT	3



SINAR HARIAN

Mahu masyarakat India bersama jayakan Dekad Baharu Johor

PASIR GUDANG - Kerajaan Johor mahu masyarakat India di negeri ini, terus memainkan peranan penting bersama kaum lain demi menjayakan misi Membangun Dekad Baharu untuk Johor atau ringkaskan Dekad Baharu Johor.

Menteri Besar, Datuk Seri Mohamed Khaled Nordin berkata, kelompok masyarakat itu juga diseru untuk menyelongkar dan merebut segala manfaat daripada pembangunan serta kemajuan yang berlaku.

Menurutnya, kerajaan negeri bawah kepimpinannya sentiasa komited memberi perhatian terhadap masyarakat India di Johor agar tiada yang tercicir dan tertinggal daripada menerima kesejahteraan hidup.

"Dekad Baharu Johor ini akan menyaksikan Johor akan terus membangun dengan begitu pesat.

"Oleh itu, kita (kerajaan negeri) tidak mahu ada masyarakat India yang tercicir dan tertinggal. Kita mahu masyarakat India untuk turut sama memainkan peranan mereka dan menyelongkar segala manfaat yang wujud dari pertumbuhan yang berlaku," katanya.

Majlis Sambutan Perayaan Thaipusam 2018 Kuil Sri Subramaniam Paripalana Saba, Masai di sini semalam.

Turut hadir, Ahli Parlimen Pasir Gudang, Datuk Normala Abdul Samad.



Mohamed Khaled (kanan) melayan tetamu yang hadir.

Mohamed Khaled berkata, Dekad Baharu Johor akan menyaksikan negeri ini melalui pembangunan dan kemajuan Johor dengan lebih hebat di mana tahun 2018 sebagai permulaannya.

Katanya, misi tersebut akan menyaksikan Johor menjadi negeri yang paling baik berbanding negeri-negeri lain di dalam negara.

"Johor tidak boleh menjadi negeri terbaik kalau masyarakat India di negeri ini tidak turut sama menyumbang, malah tertinggal. Atas sebab itu masyarakat India selama ini terus diberi perhatian.

"Kita tidak akan dapat merealisasikan (Dekad Baharu Johor) kalau masyarakat India tertinggal. Tak semua perkara boleh dicapai dengan usaha kerajaan sahaja. Jadi kita perlu kekalkan hubungan kita berasaskan persahabatan dan saling memahami serta melengkapi antara satu sama lain," katanya.

Pada majlis tersebut, Mohamed Khaled yang juga Adun Permas mengumumkan pemberian peruntukan berjumlah RM100,000 kepada pihak kuil berkenaan bagi melaksanakan pelbagai program sosial dan kemasyarakatan.

1/2/18

8/4



UTUSAN MALAYSIA

Pengurusan diminta kenal pasti masalah, bantu penduduk

1/2/18 4/m

Kuil jadi penghubung kerajaan, rakyat

Oleh **MOHD. KHAIRUL MOHD. ALI**
 pengarang@utusan.com.my

■ **JOHOR BAHRU 31 JAN.**

PIHAK pengurusan kuil-kuil Hindu di negeri ini diharap dapat memainkan peranan tambahan sebagai penghubung antara kaum India dengan kerajaan negeri dan wakil rakyat setempat.

Menteri Besar, Datuk Seri Mohamed Khaled Nordin berkata, langkah itu selari dengan hasrat kerajaan negeri untuk memastikan setiap masyarakat terlibat dalam pembangunan pesat negeri ini.

Beliau berkata, peranan tersebut boleh dilakukan kerana kuil-kuil Hindu merupakan institusi

penting bagi masyarakat India. "Pihak pengurusan kuil mempunyai maklumat berhubung masyarakat India dan permasalahan dihadapi mereka, input sedemikian dapat membantu wakil rakyat dan kerajaan.

"Secara tidak langsung, kerajaan boleh merangka strategi bersesuaian membantu menyelesaikan masalah dan meningkatkan taraf hidup masyarakat berbilang kaum di negeri dan negara ini," katanya pada Sambutan Perayaan Thaipusam di Kuil Sri Subramaniar Paripalana Saba, Masai dekat sini hari ini.

Yang turut hadir, Ahli Parlimen Pasir Gudang, Datuk Normala Abdul Samad; Yang Dipertua Majlis Perbandaran Pasir Gudang

(MPPG), Hasrin Kamal Hashim dan Pengerusi kuil, Elan Ko.

Mohamed Khaled yang juga Ahli Dewan Undangan Negeri (ADUN) Permas turut mengajak masyarakat, khususnya kaum India untuk terlibat sama dalam pelbagai program pembangunan yang dilaksanakan kerajaan.

"Peranan antara kerajaan dan rakyat adalah saling melengkapi. Jadi, pastinya setiap pembangunan dijalankan kerajaan bersifat inklusif untuk rakyatnya," katanya sambil mengumumkan pemberian peruntukan sebanyak RM100,000 kepada kuil tersebut.

Perayaan Thaipusam berkenaan dihadiri kira-kira 3,000 penganut agama Hindu dari kawasan sekitar.



MOHAMED KHALED NORDIN beramah mesra dengan para penderma darah ketika hadir memeriahkan Majlis Sambutan Thaipusam di Kuil Sri Subramaniar Paripalana Saba di Masai, semalam.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
04 FEBRUARI 2018
AHAD



AKHBAR	TAJUK BERITA	M/S
SINAR HARIAN	TUISYEN DIGITAL RM1 SEBULAN	2



SINAR HARIAN

Tuisyen digital RM1 sebulan

PASIR GUDANG - 25,000 calon Ujian Pencapaian Sekolah Rendah (UPSR), Pentaksiran Tingkatan Tiga (PT3) dan Sijil Pelajaran Malaysia (SPM) berpeluang mengikuti pakej pembelajaran tambahan serendah RM1 sebulan menerusi program e-Learning Johor.

Menteri Besar, Datuk Seri Mohamed Khaled Nordin berkata, kerajaan negeri menerusi Yayasan Pelajaran Johor (YJP) dengan kerjasama Yayasan Pasir Gudang melancarkan program pembelajaran digital itu dengan peruntukan RM300,000.

Menurutnya, program itu bagi membantu pelajar dalam kalangan keluarga kurang berkemampuan dan penyertaan terbuka kepada murid pelbagai kaum yang bersekolah di seluruh Johor.

"Program ini sebagai pembelajaran tambahan untuk pelajar yang disediakan menerusi laman sesawang,

info
 • Lancar program pembelajaran digital dengan peruntukan RM300,000

ia boleh diakses secara atalian pada bila-bila masa menerusi telefon bimbit, komputer riba atau alat elektronik lain.

"Ini merupakan usaha kerajaan negeri bagi meningkatkan keupayaan anak-anak Johor menerusi sektor pendidikan agar generasi muda tempatan dapat bersaing dan merebut peluang bagi mempertingkatkan taraf hidup mereka," katanya.

Beliau berkata demikian ketika ditemui pada Majlis Perasmian e-Learning Johor di Dewan Serbaguna Taman Mawar, di sini, semalam.

Turut hadir Exco Pendidikan negeri, Datuk



Mohamed Khaled bersama pelajar-pelajar yang terpilih menyertai program e-Learning Johor.

Ayub Rahmat, Timbalan Pengarah Pendidikan negeri, Azman Adnan dan Ahli Parlimen Pasir Gudang, Datuk Normala Abdul Samad.

Mohamed Khaled berkata, program berkenaan menyediakan medium pembelajaran tambahan dengan isi kandungan yang komprehensif serta silibus berpandukan sukatan pembelajaran Kementerian Pendidikan.

"Setakat ini seramai 3,000 pelajar mendaftar dan terpilih menyertai program

e-Learning ini, dan jumlah peruntukan yang disediakan akan ditambah pada masa akan datang sekiranya mendapat permintaan menggalakkan," katanya.

Dalam pada itu beliau menegaskan, kerajaan negeri tidak menawarkan pembiayaan penuh atau biasiswa secara menyeluruh kepada semua murid bagi memastikan setiap peruntukan yang dibelanjakan meliputi semua aspek dan lapisan masyarakat secara seimbang.

"Kerajaan perlu beri tumpuan sama rata kepada semua aspek, kalau kita hanya tumpuan pada aspek pendidikan seperti yang dibangkitkan pembangkang dan tawarkan biasiswa kepada semua pelajar jadi bagaimana kita nak tingkatkan sektor ekonomi. Pelajar-pelajar ini nanti apabila dia keluar mereka nak kerja apa.

"Biasiswa adalah ganjaran bagi pelajar yang cemerlang sebab itu di pengajian tinggi, kerajaan tukarkan

pinjaman pelajaran kepada biasiswa bagi pelajar-pelajar yang cemerlang di universiti," katanya.

Pada majlis berkenaan, Mohamed Khaled turut menyampaikan Biasiswa Kenangan Dato' Onn (BKDO) yang ditawarkan YJP kepada 10 pelajar terpilih dari kawasan Pasir Gudang yang menerima RM600 setahun bagi setiap pelajar Tingkatan Satu hingga Lima dan RM1,000 setahun bagi pelajar Tingkatan Enam.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG

05 FEBRUARI 2018

ISNIN




AKHBAR	TAJUK BERITA	M/S
THE STAR	BUILDING COMMUNAL BONDS THROUGH CELEBRATIONS	2



THE STAR

17218 star

Building communal bonds through celebrations



Some of the students making a kolam during the event at the MIWA hall in Masai.

JOHOR BARU: In a move to strengthen unity among the various races, a group of students from Kolej Teknologi Suria celebrated the Ponggal festival here.

Organised by the college's Students Representative Council (MPP), more than 50 students from various courses took part in the event by boiling milk in clay pots over charcoal stoves as part of the highlight of the harvest festival.

Kolej Teknologi Suria evaluator officer Ewa Wagiyono said the programme aimed to encourage the students to foster better relationships with one another.

"Besides that, we want the students to learn to communicate and plan a programme with the public in preparation for their working

life after graduation," she said after attending the celebration that was officiated by Pasir Gudang MP Datuk Normala Abdul Samad at Malaysian Indian Welfare Association (MIWA) hall here.

The students comprised those taking Diploma in Information System Administration as well as certificate in Office Administration, Office Administration Supervision and in Mechanical Drafting.

Earlier in her speech, Normala urged students from all higher learning institutions, especially the MPP members, to be more active and take part in community-related events.

She said with such positive values instilled in them, they would be able to help in nation-building.

id (ROC 10894D)



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
06 FEBRUARI 2018
SELASA



AKHBAR	TAJUK BERITA	M/S
UTUSAN MALAYSIA	YPJ PERKENAL TUISYEN DIGITAL RM1 SEBULAN	2



UTUSAN MALAYSIA

UTUSAN MALAYSIA

SELASA • 06.02.2018

JOHOR

Peruntuk RM300,000, bantu anak keluarga kurang berkemampuan

YPJ perkenal tuisyen digital RM1 sebulan

Oleh ZULHISHAM ISHAHAK
utusan.johor@gmail.com

■ PASIR GUDANG 5 FEB.

KIRA-KIRA 25,000 calon Ujian Pencapaian Sekolah Rendah (UPSR), Pentaksiran Tingkatan Tiga (PT3) dan Sijil Pelajaran Malaysia (SPM) berpeluang mengikuti pakej pembelajaran tambahan serendah RM1 sebulan menerusi program *e-Learning Johor*.

Menteri Besar, Datuk Seri Mohamed Khaled Nordin berkata, kerajaan negeri menerusi Yayasan Pelajaran Johor (YPJ) dengan kerjasama Yayasan Pasir Gudang (YPG) melancarkan program pembelajaran digital itu dengan peruntukan berjumlah RM300,000.

Beliau berkata, program itu bagi membantu pelajar dalam kalangan keluarga kurang berkemampuan dan penyertaan terbuka kepada murid-murid pelbagai kaum yang bersekolah di negeri ini.

"Program ini sebagai pembelajaran tambahan untuk pelajar yang disediakan menerusi laman sesawang dan boleh diakses secara atas talian pada bila-bila masa menerusi telefon bimbit, komputer riba atau alat elektronik lain.

"Ini merupakan salah satu usaha kerajaan negeri bagi meningkatkan keupayaan anak-anak Johor dalam sektor pendidikan agar generasi muda tempatan dapat bersaing dan merebut peluang bagi mempertingkatkan taraf hidup mereka," katanya se-



MOHAMED KHALED NORDIN (tengah) bersama para pelajar yang menerima program pembelajaran digital selepas merasmikan *e-Learning Johor* di Dewan Serbaguna Taman Mawar, Pasir Gudang, baru-baru ini.

masa merasmikan *e-Learning Johor* di Dewan Serbaguna Taman Mawar di sini, kelmarin.

Yang turut hadir, Ahli Parlimen Pasir Gudang, Datuk Normala Abdul Samad, Pengerusi Jawatankuasa Kesihatan, Alam Sekitar, Pendidikan dan Penerangan negeri, Datuk Ayub Rahmat dan Timbalan Pengarah Pendidikan negeri, Azman Adnan.

Mohamed Khaled juga Ahli Dewan Undangan Negeri (ADUN) Permas berkata, program itu menyediakan medium pembelajaran tambahan dengan isi kandungan yang komprehensif serta silibus berbandukan sukatan pembelajaran Kementerian Pendidikan.

"Setakat ini seramai 3,000 pelajar telah mendaftar dan terpilih menyertai program *e-Learning* ini dan jumlah peruntukan yang disediakan akan ditambah pada masa akan datang sekiranya mendapat permintaan menggalakkan," katanya.

Dalam pada itu, beliau menegaskan, kerajaan negeri tidak menawarkan pembiayaan penuh atau biasiswa secara kepada semua murid bagi memastikan setiap peruntukan yang dibelanjakan meliputi semua aspek dan lapisan masyarakat secara seimbang.

"Kerajaan perlu beri tumpuan sama rata dalam semua aspek. Kalau kita hanya tumpu pada

aspek pendidikan seperti yang dibangkitkan pembangkang dan tawarkan biasiswa kepada semua pelajar, bagaimana kita nak tingkatan sektor ekonomi. Pelajar-pelajar ini nanti apabila keluar, mereka nak kerja apa?"

"Biasiswa adalah ganjaran bagi pelajar cemerlang sebab itu di pengajian tinggi, kerajaan tukarkan pinjaman pelajaran kepada biasiswa bagi pelajar cemerlang," tegasnya sambil memberitahu Biasiswa Kenangan Dato' Onn (BKDO) yang ditawarkan YPJ kepada 10 pelajar terpilih dari Pasir Gudang menerima RM600 setahun bagi pelajar tingkatan satu hingga lima dan RM1,000 setahun untuk pelajar tingkatan enam.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
07 FEBRUARI 2018
RABU



AKHBAR	TAJUK BERITA	M/S
SINAR HARIAN	SHARMIN NUR IRDINA RATU BOLING REMAJA JOHOR	2



SINAR HARIAN

Sharmin Nur Irdina ratu boling remaja Johor

S/H 7/2/18

PASIR GUDANG - Murid tahun enam Sekolah Kebangsaan Taman Bukit Dahlia, Sharmin Nur Irdina Mohammad Shamsul mengungguli kategori bawah 12 tahun Kejohanan Boling Remaja Tertutup Negeri Johor.

Dalam kejohanan berkenaan, beliau turut diumumkan selaku pemenang kategori jatuhan pin terbanyak untuk kategori perempuan.

Untuk empat permainan, Sharmin Nur Irdina berjaya mengumpul jatuhan pin keseluruhan sebanyak 678 sekali gus menewaskan pencabar lain.

Sharmin Nur Irdina ketika ditemui mengucapakan rasa syukur dengan kejayaan dikecapinya malah berterima kasih atas sokongan tidak berbelah bagi keluarga, guru, tenaga pengajar dan rakan-rakan.

"Saya bersyukur kerana berjaya meraih tempat pertama. Saya baru tiga tahun aktif dalam sukan tenpin boling ini.

"Kemenangan ini akan

menjadi batu loncatan untuk saya terus berusaha gigih bagi meraih lebih banyak kejayaan pada masa depan," katanya di sini.

Beliau berkata demikian ketika ditemui selepas menerima hadiah kemenangan daripada Ahli Parlimen Pasir Gudang, Datuk Normala Abdul Samad yang hadir merasmikan kejohanan yang berlangsung di Pusat Boling Pasir Gudang di sini.

Sementara itu, Presiden Persatuan Sukan Tenpin Bowling Johor, Mohd Zubir Abd Latiff berkata, penganjuran pertandingan itu bertujuan mencungkil dan mencari bakat sukan berkenaan di peringkat sekolah untuk mewakili Johor pada masa akan datang.

"Kita mahu mencari lebih ramai bakat dalam sukan ini khususnya kalangan pelajar sekolah. Tambahan pula, ini juga sebagai persembahan Johor untuk berdepan cabaran Sukan Malaysia (Sukma) pada masa akan datang," katanya.



Ahli Parlimen Pasir Gudang, Datuk Normala Abdul Samad menyampaikan sijil dan hadiah kepada Sharmin Nur Irdina.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
08 FEBRUARI 2018
KHAMIS



AKHBAR	TAJUK BERITA	M/S
KOSMO	SEORANG MURID SAH HIDAP INFLUENZA A, LIMA POSITIF SIMPTOM	2
SINAR HARIAN	SERORANG MURID DIJANGKITI INFLUENZA A DILAPORKAN SIHAT	3
SINAR HARIAN	ENAM MURID DIJANGKITI INFLUENZA	4
UTUSAN MALAYSIA	SEORANG MURID SAH DIJANGKITI VIRUS INFLUENZA	5



KOSMO

8/2/18
kosmo

Seorang murid sah hidap Influenza A, lima positif simptom

JOHOR BAHRU - Seorang murid tahun dua disahkan dijangkiti Influenza A manakala lima pelajar lagi disyaki mengalami simptom virus itu selepas mere-

ka menghidap demam berpanjangan baru-baru ini.

Pengerusi Jawatankuasa Kesihatan dan Pendidikan negeri, Datuk Ayub Rahmat berkata, murid dari Sekolah Kebangsaan (SK) Taman Bukit Dahlia, Pasir Gudang itu disahkan dijangkiti Influenza A pada Ahad lalu.

"Murid terbabit telah dimasukkan ke sebuah hospital swasta dan dibenarkan keluar kelmarin.

"Pihak sekolah berkenaan telah mengambil langkah proaktif dengan memindahkan murid kelas tersebut ke bilik lain bagi meneruskan pembelajaran sementara bilik darjah asal dibersihkan," katanya dalam satu kenyataan di sini semalam.

Sementara itu, Pengarah Pendidikan negeri Johor, Shahrudin Sharif berkata, lima mangsa lagi disyaki mengalami virus influenza, namun kategori penyakit tersebut belum disahkan.

Katanya, kesemua mangsa yang dijangkiti virus berkenaan telah dibenarkan




AYUB

INFO Influenza A

- Berjangkit melalui saluran pernafasan
- Jangkitan terutama melibatkan bahagian paru-paru
- Dijangkiti melalui cecair batuk atau bersin daripada pesakit Influenza A
- Antara tanda jangkitan ialah demam berpanjangan, batuk, sakit tekak, selesema, sakit kepala, lesu, muntah dan cirit-birit
- Antara langkah pencegahan ialah kerap mencuci tangan menggunakan air serta sabun dan memakai penutup mulut jika selesema atau batuk
- Pengambilan vaksin adalah langkah paling penting mencegah jangkitan
- Dapatkan rawatan segera jika demam melebihi dua hari

cuti sehingga mereka beransur pulih. Lima mangsa terbabit ialah dari SK Taman Scientax, Sekolah Jenis Kebangsaan Cina (SJKC) Chien Chi dan SJKC Masai di Pasir Gudang. "Sekolah yang terlibat telah diarahkan melakukan pembersihan kelas dan mematuhi arahan Jabatan Kesihatan berhubung pengendalian kes wabak tersebut," ujarnya.



SINAR HARIAN

Seorang murid dijangkiti influenza A dilaporkan sihat

8/2/18
3/1#

JOHOR BAHRU - Seorang murid tahun dua Sekolah Kebangsaan (SK) Taman Bukit Dahlia disahkan dijangkiti influenza A selepas dimasukkan ke hospital swasta, Ahad lalu.

Exco Kesihatan negeri, Datuk Ayub Rahmat berkata, murid terbabit bagaimanapun telah dibenarkan keluar dari hospital dan dilaporkan sihat pada Selasa lalu, dan perkara itu telah dimaklumkan kepada pihak sekolah oleh ibu kanak-kanak tersebut.

Menurutnya, berdasarkan laporan pihak sekolah berkenaan, langkah proaktif telah diambil dengan memindahkan murid kelas terbabit ke bilik lain bagi meneruskan sesi pembelajaran.

"Ini (pemindahan) sementara bilik darjah asal dibersihkan.

"Susulan laporan ini, pejabat kesihatan telah menjalankan aktiviti pencarian kes lain di sekolah terbabit. Sehingga kini, hanya satu kes yang dikesan mengalami pe-

nyakit influenza A di situ," katanya dalam satu kenyataan di sini semalam.

Ayub berkata, pejabat kesihatan akan terus memantau situasi dan keadaan berkenaan dari semasa ke semasa melalui klinik kesihatan terdekat.

Beliau turut memaklumkan flu A adalah sejenis penyakit berjangkit saluran pernafasan yang disebabkan oleh virus influenza A.

Katanya, gejala jangkitan serupa dengan gejala influenza lain seperti demam, batuk, selesema, sakit tekak, sakit badan dan lesu.

"Kebanyakannya akan mengalami gejala ringan. Namun terdapat sebilangan kecil pesakit yang boleh mendapat komplikasi seperti pneumonia, ensefalitis (radang otak) serta boleh menyebabkan penyakit lain bertambah teruk seperti asma

"Cara jangkitan adalah melalui cecair batuk atau bersin daripada pesakit yang dijangkiti influenza A," katanya.



SINAR HARIAN

SINAR HARIAN • KHAMIS 8 FEBRUARI 2018

17



EDITOR: AZWANI GHANI PENYELANG EDITOR: MEGAT ABDUL HALIM

Enam murid *dijangkiti influenza*

Semua yang dijangkiti adalah daripada empat sekolah di Pasir Gudang

MOHD FIRDAUS YON

JOHOR BAHRU - Jabatan Pendidikan Negeri Johor memaklumkan terdapat enam murid dari empat sekolah rendah di Pasir Gudang disyaki dijangkiti influenza.

Pengarah Pendidikan negeri, Shaharudin Sharif berkata, semua sekolah tersebut adalah Sekolah Kebangsaan (SK) Taman Bukit Dahlia, SJK Chien Chi, SJK Masai dan SK Taman Scientex.

"Pihak pejabat kesihatan sudah turun, tengok dan sudah beri garis panduan kepada sekolah. Kalau dia (pejabat kesihatan) kata tutup, kita tutup (sekolah)."

"Kita bergantung kepada pejabat kesihatan. Jadi saya rasa mungkin pejabat kesihatan boleh memberi satu penerangan yang lebih tepat," katanya pada sidang media Persidangan Pemimpin Pelajar Antarabangsa Johor 2018 di KSL Hotel & Resorts di sini, semalam.

Hadir sama, Timbalan Ketua Pengarah Pendidikan (Dasar &

Pembangunan Pendidikan), Datuk Sulaiman Wak serta Pengarah Projek Persidangan Pemimpin Pelajar Antarabangsa Johor 2018, Wan Muhammad Haikal Wan Adlin.

Diminta mengulas lanjut, Shaharudin berkata, daripada senarai diterima, didapati hanya lima atau enam murid sahaja disyaki dijangkiti influenza dan sudah dicutikan.

"Saya tahu ada wabak influenza, tapi jenis apa saya ingat kena rujuk pejabat kesihatan," katanya.

Beliau berkata, pihak sekolah sudah mengambil langkah-langkah menjaga kebersihan di dalam kelas, mengikut garis panduan diberikan pejabat kesihatan.

"Tbu bapa kalau tengok anak masing-masing ada demam yang berpanjangan atau simptom, elok bawa pergi ke hospital dalam suasana sekarang."

"Tbu bapa kena tahu apakah ciri-ciri demam influenza itu sendiri, kalau tengok anak-anak ada simptom sebegini, segeralah bawa ke hospital," katanya.



Sulaiman menyempurnakan perasmian persidangan.



UTUSAN MALAYSIA

UTUSAN MALAYSIA • KHAMIS 8 FEBRUARI 2018

Seorang murid sah dijangkiti virus Influenza

Oleh **ZULHISHAM ISAHAK**
 pengarang@utusan.com.my

■ PASIR GUDANG 7 FEB.

SEORANG murid tahun dua disahkan dijangkiti virus Influenza A manakala lima lagi disyaki mengalami simptom terbabit.

Virus tersebut dikesan selepas mereka menghidap demam berpanjangan yang membabitkan kesemua mangsa dari empat buah sekolah rendah di sekitar daerah ini.

Pengerusi Jawatankuasa Alam Sekitar, Kesihatan, Pendidikan dan Penerangan Johor, Datuk Ayub Rahmat berkata, setakat ini, hanya seorang murid Sekolah Kebangsaan (SK) Taman Dahlia di sini disahkan dijangkiti virus Influenza A pada Ahad lalu.

"Murid terbabit telah dimasukkan ke sebuah hospital swasta pada hari sama dan dilaporkan kembali sihat kelmarin.

"Pihak sekolah telah mengambil langkah proaktif dengan memindahkan murid kelas tersebut ke bilik lain bagi meneruskan pem-

belajaran sementara bilik darjah asal dibersihkan," katanya dalam satu kenyataan akhbar di sini hari ini.

Menurut Ayub, pejabat kesihatan sudah menjalankan aktiviti pencarian kes lain di sekolah terbabit dan hingga kini hanya satu kes yang dikesan mengalami penyakit Influenza A.

"Pejabat kesihatan akan terus memantau situasi dari semasa ke semasa melalui klinik-klinik kesihatan terdekat," ujarnya siasatan mengenal pasti virus tersebut masih dijalankan.

Dalam pada itu, Pengarah Pendidikan Johor, Shahrudin Sharif berkata, mangsa lain disyaki mengalami virus Influenza namun kelas perakit itu belum dapat disahkan.

Bagaimanapun katanya, kesemua mangsa yang dijangkiti virus tersebut sudah dibenarkan cuti hingga mereka beransur pulih.

"Selain mangsa di SK Taman Dahlia, mangsa lain pula dari SK Taman Scientax, Sekolah Jenis Ke-



AYUB RAHMAT

bangsaan Cina (SJKC) Chien Chi dan SJKC Masai," katanya.

Tambahnya, sekolah yang terlibat sudah diarahkan melakukan pembersihan kelas dan mematuhi arahan Jabatan Kesihatan negeri berhubung pengendalian kes wabak tersebut.

"Justeru, saya menyarankan agar ibu bapa peka terhadap penyakit anak masing-masing dan mendapatkan rawatan segera jika mengalami demam yang berpanjangan," ujarnya.

Virus influenza A adalah sejenis penyakit berjangkit saluran pernafasan yang membawa gejala seperti demam, batuk, selsema, sakit tekak, sakit badan dan lesu.

Kebanyakan mangsa akan mengalami gejala ringan namun terdapat sebilangan kecil pesakit yang boleh mendapat komplikasi seperti pneumonia, encephalitis (radang otak) serta boleh menyebabkan penyakit lain bertambah teruk seperti asma.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
13 FEBRUARI 2018
SELASA



AKHBAR	TAJUK BERITA	M/S
UTUSAN MALAYSIA	PERTANDINGAN BOLING ERAT HUBUNGAN KMJ	2
UTUSAN MALAYSIA	ORGKHM LABUR RM240 JUTA DI TANJUNG LANGSAT	3



UTUSAN MALAYSIA

Pertandingan boling erat hubungan KMJ

PASIR GUDANG 12 Feb. - Pejabat Ahli Parlimen Pasir Gudang menganjurkan pertandingan Boling Muhibah dengan ahli Kelab Media Johor (KMJ), baru-baru ini.

Acara yang dianjurkan di Pusat Boling Pasir Gudang di Kompleks Pusat Bandar Pasir Gudang, di sini disertai oleh kira-kira 40 ahli KMJ terdiri daripada wartawan, jurugambar, jurukamera dan juruhebah radio.

Lebih bermakna program tersebut dirasmikan oleh Ahli Parlimen Pasir Gudang, Datuk Normala Abdul Samad.

Yang turut hadir, Presiden KMJ, Mohamed Fauzi Ishak beserta barisan ahli jawatankuasa kelab dan warga kerja Pejabat Ahli Parlimen Pasir Gudang.

Normala turut berterima kasih atas sokongan pengamal media di negeri ini, sama ada media cetak mahupun elektronik terhadap setiap aktiviti dan program yang dijalankan pihaknya.

"Anda semua telah memainkan peranan sangat penting dalam melaporkan aktiviti saya sepanjang berada di kawasan. Semoga ukhwa yang sedia terjalin ini akan berterusan sampai bila-bila," katanya.

Normala turut menyifatkan penganjuran pertandingan bo-



ling itu sebagai medium untuk mengeratkan lagi hubungan silaturahim yang sedia wujud sejak beliau dipilih sebagai wakil rakyat Parlimen Pasir Gudang.

"Tanpa anda tidak mungkin suara saya mengenai dasar dan agenda parti serta kerajaan dapat disampaikan kepada masyarakat di negeri ini, khususnya di Parlimen Pasir Gudang.

"Malah tanpa anda juga, rakyat tidak akan tahu usaha serta inisiatif yang sedang atau sudah dilaksanakan oleh saya dan pemimpin kerajaan UMNO serta Barisan Nasional (BN) lain kepada mereka.

Jadi terima kasih dan teruskan membantu kami demi kesejahteraan rakyat," katanya.

Sebagai tanda penghargaan dan sokongan terhadap KMJ, Normala turut menyampaikan sum-

bangannya sebanyak RM5,000 bagi membolehkan kelab menjalankan aktiviti tahunan untuk ahlinya.

NORMALA ABDUL SAMAD (tengah) dan ahli KMJ bergambar di Pusat Boling Pasir Gudang, Pasir Gudang, Johor, baru-baru ini.



UTUSAN MALAYSIA

Orgkhim labur RM240 juta di Tanjung Langsat

Oleh NURUL HUDA HASSAN

ekonomi@utusan.com.my

JOHOR BAHRU 12 Feb. - Orgkhim Biochemical Holding, syarikat pengeluar bahan berasaskan petroleum bagi pembuatan tayar mesra alam kedua terbesar dunia dari Rusia melabur sebanyak RM240 juta di Tanjung Langsat, Pasir Gudang di sini.

Syarikat tersebut menerusi anak syarikatnya, Norman Process Oils Malaysia Plant Sdn. Bhd. membangunkan loji pembuatan bahan berkenaan dengan keluasan 2,023 hektar yang pertama dan pelaburan terbesar Orgkhim Biochemical di luar Rusia.

Ketua Pegawai Eksekutif Orgkhim Biochemical, Nikolay Khodov berkata, loji yang bakal menghasilkan bahan minyak berasaskan petroleum untuk kegunaan tayar, getah sintetik dan sebatian getah itu dijangka memulakan operasi pada pertengahan tahun depan.

Menurutnya, pada masa ini syarikat itu mampu menghasilkan kira-kira 125,000 tan bahan berkenaan setahun di Rusia dan menerusi loji baharu di Tanjung Langsat, mereka menyasarkan sebanyak 70,000 tan setahun.

"Loji di Malaysia akan memenuhi permintaan pasaran rantau Asia Pasifik dengan memberi fokus terhadap pasaran di China selain Singapura" katanya pada majlis



TEE SIEW KIONG (tengah) bersama Azman Mahmud (dua dari kanan) dan Nikolay Khodov (dua dari kiri) selepas majlis Pecah Tanah Kilang Orgkhim's Norman Process Oils Malaysia Sdn. Bhd. di Johor Bahru, semalam. - UTUSAN/RAJA JAAFAR ALI

pecah tanah Norman Process Oils Malaysia Plants Sdn. Bhd., di sini hari ini.

Yang turut hadir, Pengerusi Jawatankuasa Pelancongan, Perdagangan dan Kepenggunaan negeri, Datuk Tee Siew Kiong mewakili Menteri Besar, Datuk Seri Mohamed Khaled Nordin dan Ketua Pegawai Eksekutif Lembaga Pembangunan Pelaburan Malaysia (MIDA), Datuk Azman Mahmud.

Sementara itu Azman berkata, pelaburan baharu tersebut bukan sahaja menunjukkan keyakinan pelabur terhadap negeri ini, malah pada masa sama merebut peluang dalam industri kimia di negara ini yang semakin berkembang.

Menurutnya, dalam Rancangan Malaysia Kesebelas (RMK-11), industri kimia dikenal pasti sebagai antara sektor yang menunjukkan

pertumbuhan memberangsangkan selain elektronik, mesin dan jentera, aeroangkasa dan peralatan perubatan.

Beliau berkata, hingga September 2017, sebanyak 2,073 projek pembuatan dalam industri kimia diluluskan dengan jumlah pelaburan bernilai RM96.5 bilion dan daripada jumlah itu, 59.5 peratus (RM57.4 bilion) merupakan pelaburan dari luar negara, manakala 40.5 peratus (RM39.1 bilion) dari dalam negara," katanya sambil memberitahu pelaburan itu mewujudkan sebanyak 97,000 peluang pekerjaan.

"Bagi pelabur dari Rusia pula, hingga kini sebanyak 13 projek pembuatan dengan nilai RM138.80 juta telah diluluskan dengan 600 peluang pekerjaan diwujudkan," katanya.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
14 FEBRUARI 2018
RABU



AKHBAR	TAJUK BERITA	M/S
SINAR HARIAN	'MOHON BAS MASUK TAMAN KAMI'	2



SINAR HARIAN

'Mohon bas masuk taman kami'

Penduduk Taman Flora Height minta pengendali bas wujudkan laluan di kawasan mereka

PASIRGUDANG - Faktor kawasan petempatan dan jalan utama yang agak jauh membuat kira-kira 30 penduduk di Taman Flora Height, Seri Alam, di sini memohon pihak berkaitan menyediakan perkhidmatan bas awam yang lebih spesifik di kawasan berkenaan.

Difahamkan, kemudahan bas sedia ada di kawasan itu hanya menurunkan penumpang di laluan utama yang mana jaraknya terletak dua kilometer dari kediaman penduduk taman berkenaan.

Penduduk, Yap Wooi Pan, 80, berkata keadaan itu menyukarkan warga emas sepertinya apabila terpaksa berjalan kaki kira-kira 15 minit untuk pergi ke kawasan menunggu bas.

Dia yang sudah mendiami kawasan tersebut sejak 13 tahun lalu juga mengakui terpaksa mengeluarkan tambang lebih sekiranya mahu meminta 'pengangkutan' awam lain seperti teksi jika ingin memasuki kawasan perumahan.

"Saya ni dah tua, walaupun larat lagi nak berjalan hingga ke depan sana tapi kadang-kadang mengah juga, itu kalau cuaca baik kalau hu-



MTHIAGU

jan sukar sedikit.

"Tiap-tiap minggu memang saya akan ke bandar dalam dua atau tiga kali, biasa lah tabiat orang berusia macam saya duduk rumah dah tiada siapa, anak-anak semua kerja jadi nak lah berjalan.

"Semuanya saya gunakan bas, kadang-kadang teksi. Tapi bila guna teksi tambangnya tinggi sangat, saya pernah kena sampai RM18 dari Pasaraya Today's, Seri Alam hingga sini. Sekali dua boleh lagi," katanya ketika lawatan kerja Adun Johor Jaya, Liow Cai Tung, di sini, baru-baru ini.

Wooi Pan berkata, dia tidak terlalu berharap kemudahan bas dapat dibuat betul-betul berhampiran



WOOI PAN

rumahnya sebaliknya sudah berpuas hati jika kemudahan awam berkenaan dapat berhenti di perumahan rakyat di kawasan berkenaan.

"Walaupun macam ini, saya gagal lagi berjalan, bukan nak minta buat hentian bas atau berhenti betul-betul depan rumah saya ini, cukup sampai rumah pangsa depan sana dah memadai, saya jalan kaki lima minit pun boleh.

"Walaupun sekarang ini orang dah tidak gunakan sangat pengangkutan awam sebab ramai dah mampu ada kereta, ia berguna untuk orang macam saya," katanya yang mengukui kali terakhir dia memandu kereta adalah pada 30 tahun lalu.

Seorang lagi penduduk, MThiagu, 37, berkata, soal ke-



Cai Tung (empat, kanan) bersama sebahagian penduduk bergambar bersama ketika lawatan kerja di Taman Flora Height, baru-baru ini.

selamatan juga menjadi punca utamanya dia memohon kemudahan awam tersebut di buat di kawasan berkenaan memandangkan penggunaannya terdiri daripada pelajar dan wanita.

"Jalan depan sana jauh, kalau jalan kaki seorang diri pun bahaya. Ia boleh menjurus kepada gejala ragut di kawasan ini jika tidak diambil dia memandu kereta adalah pada 30 tahun lalu.

Seorang lagi penduduk, MThiagu, 37, berkata, soal ke-

"Kami bukan minta sebuah bas khas untuk kegunaan penduduk di sini, cuma tambahkan sedikit laluan, untung kepada dua-dua pihak," katanya.

Sementara itu, Cai Tung berkata, pihaknya sudah mengusulkan masalah yang berlaku itu pada persidangan dun yang lalu dan dimaklumkan hanya terdapat satu bas tetapi daripada syarikat swasta sahaja yang memasuki kawasan berkenaan.

"Saya dimaklumkan laluan

ini hanya dimasuki satu bas sahaja, dan untuk itu pihak kami akan berusaha melakukan perbincangan dengan syarikat bas tersebut untuk memanjangkan lagi laluan untuk memasuki kawasan perumahan.

"Tetapi dalam masa yang sama, saya juga mohon kerajaan negeri dapat mempertimbangkan usul mewujudkan satu lagi laluan Bas Muafakat Johor khas untuk laluan ke taman ini," katanya.

14/2/18
SH



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG

16 FEBRUARI 2018

JUMAAT



AKHBAR	TAJUK BERITA	M/S
SINAR HARIAN	KANAK-KANAK 3 TAHUN MAUT TERSERET KERETA IBU	2
SINAR HARIAN	KEMPEN HANYA NAFI HAK RAKYAT	3
SINAR HARIAN	129 KEMALANGAN DI SERI ALAM	4
UTUSAN MALAYSIA	KANAK-KANAK 3 TAHUN MAUT DISERET KERETA IBUNYA	5
KOSMO	BUDAK MAUT DISERET KERETA DIPANDU IBU	6
HARIAN METRO	PILU TERSERET ANAK	7



SINAR HARIAN

Kanak-kanak 3 tahun maut terseret kereta ibu



Lokasi kejadian budak diseret MPV dipandu ibunya.

PASIR GUDANG – Seorang kanak-kanak lelaki berusia tiga tahun maut selepas terseret kenderaan pelbagai guna jenis (MPV) Perodua Alza yang dipandu ibunya dalam kejadian di Taman Rinting, dekat sini tengah hari kelmarin.

Timbalan Ketua Polis Daerah Seri Alam, Deputy Superintendent Norazam Shaari berkata, ketika kejadian ibu mangsa sedang memandu keluar dari rumah untuk bemiaga di sekolah berhampiran

rumah mereka.

Bagaimanapun katanya, ketika sedang bergerak keluar ibu mangsa tiba-tiba berasa terdapat sesuatu berada di bahagian bawah kereta yang dipandu sebelum mendapati anak bongsunya itu berada di bawah kenderaan.

“Ibu mangsa sedang bergerak keluar dari rumah dan merasa ada sesuatu berada di bawah kenderaan dipandu dan mem-bahentikan kenderaan tersebut sebelum mendapati anaknya

yang berusia tiga tahun berada di bawah kereta di bahagian depan.

“Mangsa dibawa ke Hospital Penawar Pasir Gudang untuk rawatan dan disahkan meninggal dunia,” katanya.

Katanya, kes disiasat mengikut Seksyen 41 (1) Akta Pengangkutan Jalan 1987.

Sementara itu, ibu mangsa ketika dihubungi enggan mengulas lanjut kerana masih trauma di atas kejadian yang berlaku.



SINAR HARIAN

54 - 16/2/2018

Kempen hanya nafi hak rakyat

PASIR GUDANG - Kempen undi rosak yang dilancarkan pihak tertentu sebenarnya bertujuan untuk menafikan hak rakyat serta pengundi bagi memilih kerajaan yang berwibawa.

Ahli Parlimen Pasir Gudang, Normala Abdul Samad berkata, kenyataan Perdana Menteri, Datuk Seri Najib Tun Razak yang menyifatkan kempen undi itu hanya merugikan rakyat amat tepat kerana gerakan itu mendedahkan mereka kepada situasi negara yang tidak stabil.

"Buat apa nak pengaruhi rakyat untuk rosakan undi sedangkan pengundi berhak memilih sebuah kerajaan yang mampu mentadbir negara dengan cemerlang seperti kerajaan BN hari ini.

"Jika rakyat tidak mengundi dengan betul, mereka pasti terdedah dengan satu suasana tidak menentu kerana kerajaan yang bakal ditubuhkan



NORMALA

nanti tiada kredibiliti," katanya dalam satu kenyataan.

Normala yang juga Ketua Wanita Umno Pasir Gudang berkata, dalam keadaan Malaysia sedang menuju status negara maju dan berpendapatan tinggi hasil usaha kerajaan, rakyat sepatutnya terus memberi kepercayaan serta keyakinan kepada BN untuk menerajui negara pada PRU14 nanti.

Menurutnya, dengan pelbagai kelemahan dan kepincangan pembangkang yang bercita-cita tinggi mahu menjadi kerajaan, tiada jaminan masa depan cemerlang yang mampu diharap-

kan rakyat terhadap mereka.


"Sejarah 60 tahun pemerintahan kerajaan BN dalam memaju dan memakmurkan Malaysia sudah cukup membuktikan bahawa BN adalah sebuah parti komponen yang berwibawa serta berkemampuan.

"Jadi kenapa rakyat perlu memperjudikan masa depan mereka dan generasi yang akan datang dengan terikut-ikut propaganda pihak pembangkang yang ternyata tiada kemampuan mahu mentadbir sebuah kerajaan.

"Rakyat mesti terus mengundi BN pada PRU14 nanti supaya segala perancangan masa depan kerajaan hari ini akan dapat diteruskan bagi manfaat agama, bangsa dan negara," katanya.

HEBAHKAN
AKTIVITI KOMUNITI ANDA

azwan@sinarharian.com.my



SINAR HARIAN

SINAR HARIAN • JUMAAT 16 FEBRUARI 2018

17



EDITOR: AZWANI GHANI PENOLONG EDITOR: MEGAT ABDUL HALIM

129 kemalangan di Seri Alam

Op Selamat 12 rekod satu kemalangan maut dalam tempoh 5 hari pelaksanaan

Daerah Seri Alam, Deputi Superintendan Norazam Shaari berkata, sebanyak 219 saman Pol 257 turut dikeluarkan selain 17 saman Pol 170A yang banyak membabitkan saman terhadap penunggang motosikal.

Menurutnya, pihaknya akan memberi penekanan kepada penunggang motosikal yang didapati sering melakukan kesalahan jalan raya malah kes kemalangan maut yang dilaporkan di daerah itu sejak pelancaran Op Selamat 12 adalah membabitkan penunggang motosikal.

"Penunggang motosikal khususnya diingatkan sentiasa mengamalkan pemanduan berhemah dan mematuhi peraturan jalan raya.

"Sejak Op Selamat 12 dijalankan, kita sudah menyita 12 motosikal yang mana an-



Norazam mengibarkan bendera Malaysia sebagai simbolik melancarkan Majlis Pelancaran Op Selamat 12 sempena Tahun Baharu Cina 2018.

tara kesalahan dilakukan seperti tiada lesen memandu dan tidak memakai topi keledar," katanya selepas Majlis Pelancaran Op Selamat 12 sempena Tahun Baharu Cina

2018 peringkat IPD Seri Alam di Tesco Bandar Seri Alam di sini, kelmarin.

Turut hadir Pengurus Besar Tesco Bandar Seri Alam, Prakash Raj.

Norazam berkata, sebanyak tiga kes kemalangan maut dilaporkan di daerah itu dengan tiga kematian pada Op Selamat 10 yang dijalankan tahun lalu dan berharap

INFO • Op Selamat 12 sempena Tahun Baharu Cina bermula 9 Februari lalu

angka kemalangan yang direkodkan dapat dikurangkan bagi musim tahun ini.

"Pada Op Selamat 10 tahun lalu, terdapat 330 kes kemalangan direkodkan dengan 327 yang membabitkan kerosakan kenderaan sahaja manakala tiga lagi kes kemalangan maut.

"Sebanyak 527 saman Pol 257 turut dikeluarkan pada tahun berkenaan," katanya.

Dalam pada itu katanya, sejak Jumaat lalu hanya 60 pendaftaran dibuat bagi Kempen Rumah Selamat berbanding 1,928 tahun lalu.

SHAHIZATUL FARHA ROSLI

PASIR GUDANG

Sebanyak 129 kemalangan termasuk satu kes kemalangan maut direkodkan di daerah Seri Alam dalam tempoh lima hari sejak Op Selamat 12 sempena perayaan Tahun Baharu Cina dilancarkan bermula 9 Februari lalu.

Timbalan Ketua Polis



UTUSAN MALAYSIA

Kanak-kanak 3 tahun maut diseret kereta ibunya

Utusan Malaysia
16 Feb 2018


JOHOR BAHRU 15 Feb. - Pilu hati seorang ibu apabila tidak menyedari kereta dipandunya mengheret anak sendiri dalam kejadian di Jalan Ketapang 5, Taman Rinting di sini, semalam.

Dalam kejadian kira-kira pukul 12 tengah hari itu, kanak-kanak berusia tiga tahun meninggal dunia ketika mendapat rawatan di Hospital Penawar Pasir Gudang.

Timbalan Ketua Polis Daerah Seri Alam, Deputy Superintenden Norazam Shaari berkata, ibu mangsa yang berusia dalam lingkungan 30-an sedang memandu keluar kereta kenderaan pelbagai guna (MPV) Perodua Alza dari rumahnya untuk berniaga di sekolah berhampiran rumah mereka.

Katanya, ibu mangsa yang merasakan terdapat sesuatu berada di bahagian bawah kereta ketika dipandu kemudian menemukan anak bongsunya itu di bahagian bawah bumper hadapan kenderaan.

"Ibu mangsa sedang bergerak keluar dari rumah dan merasa ada



LOKASI kejadian seorang ibu tidak sengaja mengheret anak lelaki bongsunya yang berusia tiga tahun (gambar kecil) hingga mengakibatkan kanak-kanak berkenaan maut di Taman Rinting, Johor Bahru, semalam. - UTUSAN/NUR AISYAH MAZALAN

sesuatu berada di bawah kenderaan dipandu dan memberhentikan kenderaan tersebut sebelum mendapati anaknya berusia tiga tahun berada di bawah kereta di bahagian depan dalam keadaan cedera.

"Mangsa telah dibawa ke Hospital Penawar Pasir Gudang untuk rawatan dan kemudiannya disah-

kan meninggal dunia," katanya ketika dihubungi di sini hari ini.

Katanya, kes disiasat mengikut Seksyen 41 (1) Akta Pengangkutan Jalan 1987.

Sementara itu, ibu mangsa ketika dihubungi enggan mengulas lanjut kerana masih trauma dengan kejadian tersebut.



KOSMO

Kosmo 16/2/2018

Budak maut diseret kereta dipandu ibu

JOHOR BAHRU – Seorang kanak-kanak lelaki berusia tiga tahun maut selepas dipercayai diseret secara tidak sengaja oleh kenderaan pelbagai guna (MPV) Perodua Alza yang dipandu ibunya di Taman Rinting, dekat sini kelmarin.

Timbalan Ketua Polis Daerah Seri Alam, Deputy Superintendan Norazam Shaari berkata, kejadian kira-kira pukul 12.30 tengah hari itu berlaku ketika ibu mangsa yang berusia 30-an dikatakan sedang memandu keluar dari rumah untuk berniaga di sekolah berhampiran.

Katanya, sebaik kenderaan tersebut bergerak,



Di jalan raya di Taman Rinting, Johor Bahru inilah lokasi seorang kanak-kanak lelaki meninggal dunia dipercayai akibat diseret secara tidak sengaja oleh kenderaan yang dipandunya ibunya kelmarin.

wanita itu merasakan ada sesuatu tersangkut berada di bawah keretanya sebelum dia turun untuk memeriksanya.

“Ibu mangsa yang memandu Perodua Alza ha-

nya menyedari kejadian itu selepas memandu sejauh kira-kira 10 meter dari rumahnya.

“Mangsa yang curiga kemudian turun dan terkejut apabila melihat jasad

anaknya bongsunya berada di bawah bumper kereta yang dipandunya,” katanya di sini semalam.

Menurut beliau, mangsa dibawa ke Hospital Penawar Pasir Gudang untuk rawatan sebelum disahkan meninggal dunia.

Kes disiasat mengikut Seksyen 41 (1) Akta Pengangkutan Jalan 1987.

Sementara itu, ibu mangsa ketika dihubungi enggan mengulas lanjut ekoran trauma dengan kejadian itu.

Usaha pihak *Kosmo!* ke rumah mangsa juga mendapati ibunya tiada di rumah untuk menguruskan pengebumian mangsa di kampung halaman.



HARIAN METRO

METRO 16/2/2018

"Apabila wanita berkenaan turun dari kenderaan, dia mendapati anak bongsunya berada di bawah bumper hadapan"

Norazam Shaari

HARIAN METRO

Pilu terseret anak

■ Ibu terkedu lihat tubuh anak terkulai tak bernyawa bawah kereta

Mary Victoria Dass
maryvictoria@hmetro.com.my

Pasir Gudang

Wanita berdepan detik memilukan apabila anak lelakinya berusia tiga tahun maut selepas diseret secara tidak sengaja kenderaan pelbagai guna (MPV) dipandunya sejauh lebih 10 meter di Taman Rinting, Masai, Pasir Gudang, kelmarin.

Rakan keluarga itu yang enggan dikenali berkata, kejadian berlaku jam 12.30 tengah hari apabila wanita terbabit mahu keluar berniaga makanan ringan berhampiran sebuah sekolah. Menurutnya, ibu mangsa berusia 30-an menyangka anak bongsu daripada lima beradik itu berada di dalam rumah.

"Ibu kanak-kanak itu

yang memandu Perodua Alza hanya menyedari kejadian selepas memandu sejauh beberapa meter.

"Apabila ibu mangsa turun dari kenderaan kerana menyangka terdapat objek yang tersangkut, dia terkejut mendapati anak bongsunya berada di bawah bumper hadapan.

"Kanak-kanak itu kemudian dikejarkan ke Hospital Penawar Pasir Gudang, namun gagal diselamatkan.

"Ibunya begitu sedih dengan apa yang berlaku, dan sebagai wanita serta rakan saya dapat merasakan perasaan pilu dan trauma di dalamnya," katanya.

Sementara itu, ibu mangsa berkata, dia menyangka kenderaannya menyeret sampah yang tersangkut di bahagian bumper.

Bagaimanapun, katanya, dia terkejut mendapati anaknya berada di bawah



NORAZAM

bumper dalam keadaan tidak bermaya.

"Saya masih keliru dengan apa yang berlaku kerana ketika keluar rumah, anak masih di dalam rumah," katanya ketika dihubungi.

Sementara itu, suasana pilu menyelubungi pekara-angan Jabatan Forensik Hospital Sultan Ismail (HSI), petang tadi apabila ibu mangsa turut membawa bekalan su-

su yang biasa dibancuh untuk mangsa.


Malah, beberapa kenalan keluarga mangsa juga hadir bagi memberi sokongan moral kepada ibu mangsa supaya tabah menghadapi dugaan berkenaan.

Sementara itu, Timbalan Ketua Polis Daerah Seri Alam, Deputy Superintendan Norazam Shaari mengesahkan kejadian berkenaan.

"Ketika ibu mangsa memandu keluar dari rumah, dia merasakan sesuatu berada di bawah bumper kenderaannya.

"Apabila wanita berkenaan turun dari kenderaan, dia mendapati anak bongsunya berada di bawah bumper hadapan.

"Mangsa dibawa ke Hospital Penawar Pasir Gudang untuk mendapatkan rawatan, namun disahkan meninggal dunia," katanya ketika dihubungi.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
19 FEBRUARI 2018
ISNIN



AKHBAR	TAJUK BERITA	M/S
SINAR HARIAN	BERSUKAN SAMBIL BERAMAL	2
UTUSAN MALAYSIA	HAB PELABURAN, PENDIDIKAN UTAMA	3



SINAR HARIAN

SINAR HARIAN • ISNIN 19 FEBRUARI 2018



25

SHAFIQ DINO

Semangat kesukanan dan lhasan untuk membantu golongan tidak berkemampuan menjadi tajung Program Muafakat Johor Fun Run (MJFR) 2018 yang berlangsung di Kolej Komuniti Pasir Gudang, di sini, baru-baru ini.

Program anjuran Kolej Komuniti Pasir Gudang dan Kawasan Rukun Tetangga (KRT) Alpina Taman Scientex itu turut dijayakan dengan kerjasama Jabatan Perumahan Negara, Integrasi Nasional Daerah, Johor Bahru, serta Jawatankuasa Perwakilan Penduduk Zon Scientex 2.

Difahamkan, seramai 750 peserta terdiri daripada penduduk setempat, wakil pelbagai agensi serta pelajar telah mengambil bahagian dalam acara larian memabitkan jarak sejauh 5 km mengelilingi kawasan kolej berkenaan.

Pengarah program, Nik Zamzuri Nik Mustapha berkata, objektif utama penganjuran program itu juga diyakini mampu menjadi paksi dalam penempunan semangat muafakat serta memupuk semangat kesukanan dalam kalangan masyarakat.

Menurutnya lagi, di samping para peserta menjalankan aktiviti suhat itu, mereka juga dapat beramal apabila yuran RM1 yang dikenakan akan terus disumbangkan kepada golongan kurang bernasib baik dalam kawasan Zon Scientex.

"Kesihatan adalah sesuatu yang harus kita tihk beratkan, jadi untuk menjaganya bersukan adalah salah satu cara yang terbaik. Kita tidak perlu melihat sukan yang berat pun cukup dengan sekadar berlarat.

Bersukan sambil beramal

Program Muafakat Johor Fun Run (MJFR) 2018 berlangsung meriah



Peserta bersedia sebelum upacara pelepasan Program Muafakat Johor Fun Run sejauh 5 km di kolej berkenaan, baru-baru ini.

"Program ini menjadi percubaannya, bersyukur sangat kita terima penyertaan yang begitu memabangsangkan," katanya ketika dihubungi Sinar Harian, di sini, semalam.

Nik Zamzuri yang juga merupakan Pengerusi KRT Alpina berkata, pelbagai aktiviti lain turut disediakan bagi merancakkan lagi pengisian program berkenaan seperti pertandingan mewarna,

Info

Seramai 750 peserta ambil bahagian

program derma darah yang dikendalikan Hospital Sultanah Ismail (HSI) dan tarian Zumba. Sememara itu, Pengarah Kolej



Service Learning Urutan Refleksiologi oleh pelajar sijil terapi kecantikan dan Spa Kolej Komuniti Pasir Gudang dalam program berkenaan.

Komuniti Pasir Gudang, Fadzliah Mohd Yusoff berkata, penganjuran program berkenaan dijangka diteruskan sebagai inisiatif pihaknya untuk terus menyantuni masyarakat dan komuniti setempat.

"Di pihak kolej komuniti, kita gembira dan berpuas hati dengan komitmen yang diberikan semua pihak terutamanya antara pihak kolej jawatankuasa penduduk, industri dan agensi kerajaan yang terlibat.

"Ini juga merupakan platform terbaik kami dalam mempromosikan kursus-kursus yang ditawarkan di Kolej Komuniti Pasir Gudang melalui gerai

promosi dan 'Service Learning' urutan refleksiologi oleh pelajar Sijil Terapi Kecantikan & Spa.

"Pelajar-pelajar juga berpeluang mendapat pengalaman pembelajaran yang sebenar (Authentic Learning) dalam bidang keusahawanan melalui penghasilan aneja produk dan jualan pelajar dan gerai komuniti," katanya.

Tambahnya lagi, turut mencuri tumpuan adalah pensembahan kumpulan Stompers Kolej Komuniti Pasir Gudang yang diberi penghargaan untuk memeriahkan majlis sepanjang berlangsungnya program berkenaan.



Stompers Jauharis, Kolej Komuniti Pasir Gudang ketika membuat persembahan.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
20 FEBRUARI 2018
SELASA



AKHBAR	TAJUK BERITA	M/S
UTUSAN MALAYSIA	LONGGOKAN SAMPAH DI JALAN MASUK KE PANGSAPURI	2



UTUSAN MALAYSIA

Longgokan sampah di jalan masuk ke pangsapuri

4/11/18
20/2/18

KEMAJUAN serta pembangunan di Bandar Seri Alam, Pasir Gudang terutama di kawasan Taman Sierra Perdana amat pesat dan semua itu boleh disaksikan ketika ini.

Namun malangnya pembangunan fizikal itu tidak diiringi dengan kesedaran penduduk setempat untuk menjaga kebersihan kawasan sekitarnya.

Sebagai contoh jalan masuk ke Pangsapuri Meridin Bayvue yang boleh dikelaskan sebagai ka-

wasan perumahan elit tetapi jalan masuknya terdapat beberapa timbunan sampah.

Keadaan berkenaan bukan sahaja menyakitkan mata tetapi menghasilkan pencemaran bau selain sampah sarap tersebut kerap diselongkar anjing-anjing liar.

Beberapa longgokan plastik sampah yang sudah terbuka, kotak, botol-botol plastik serta sisa makanan dibuang di pinggir jalan masuk ke pangsapuri tersebut.

Kawasan pinggir jalan di ha-

dapan deretan kedai baharu itu mungkin sudah menjadi tempat pembuangan setiap hari kerana boleh dilihat kesan sampah sarap tersebut dibakar di situ.

Mungkin pihak tidak bertanggungjawab membakar sampah di situ selepas sampah sarap terlalu banyak dan keadaan tersebut perlu dipantau supaya kawasan itu tidak bertambah teruk.

FAUZI YAHYA

Taman Sierra Perdana



LONGGOKAN sampah sarap yang mencacatkan pemandangan dan menimbulkan pencemaran bau di jalan masuk ke Pangsapuri Meridin Bayvue berdekatan Taman Sierra Perdana, Bandar Seri Alam, Pasir Gudang, Johor, baru-baru ini.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
21 FEBRUARI 2018
RABU



AKHBAR	TAJUK BERITA	M/S
HARIAN METRO	15 ANAK YATIM BEBAS PENYAKIT HFMD	2



HARIAN METRO



Foto: MARY VICTORIA DASS

MOHD Azhar (berdiri, lapan dari kiri) dan Irene (berdiri, dua dari kiri) bersama pekerja hospital dan anak yatim selepas sesi pemberian sumbangan daripada KPJ Pasir Gudang Specialist Hospital, semalam.

15 anak yatim bebas penyakit HFMD

Johor Bahru: Seramai 15 anak yatim berusia tiga hingga 12 tahun dari Rumah Anak Yatim Pertubuhan Kebajikan Cheng En di Taman Melodies, di sini, yang menjalani pemeriksaan kesihatan percuma oleh KPJ Pasir Gudang Specialist Hospital (KPPGSH), semalam didapati bebas penyakit kaki, tangan dan mulut (HFMD).

Ketua Pegawai Eksekutif KPJ Pasir Gudang Specialist Hospital, Mohd Azhar Abdullah berkata, program itu menunjukkan amalan kebersihan dalam kalangan kumpulan kanak-kanak berkenaan adalah baik bagi membendung penyakit berkenaan.

Menurutnya, sesi pemeriksaan kesihatan berkenaan berlangsung selama satu jam bermula jam 11 pagi di kendalikan Doktor Pakar Kanak-Kanak, Dr Fienky Chong Wei.

"Pemeriksaan kesihatan berkenaan menjadi antara tanggungjawab sosial korporat (CSR) pengurusan hospital sempena Tahun Baru Cina.

"Prihatin terhadap kebajikan terutamanya aspek kesihatan golongan kurang

berkemampuan selain anak yatim mendorong kami untuk mengemukakan program ini," katanya ketika hadir menyampaikan sumbangan di Rumah Anak Yatim Pertubuhan Kebajikan Cheng En di Taman Melodies di sini, semalam.

Hadir sama, Pengerusi Tabung Kebajikan Doktor-Doktor KPJ Pasir Gudang Specialist Hospital, Dr Nor Aizal Che Hamzah; Pakar Bedah Ortopedik, Dr Khoo Shaw Ming serta Pakar Obstetrik dan Ginekologi, Dr G Rabindran.

Mohd Azhar berkata, selain pemeriksaan kesihatan pihaknya turut menyalurkan sumbangan barangan yang kebiasaan dihulurkan sempena sambutan perayaan.

"Jika sebelum ini perayaan Tahun Baru Cina diraikan dengan mengadakan rumah terbuka di hospital sebaliknya tahun ini pihak hospital buat pertama kali meraikan perayaan bersama anak ya-

tim di rumah kebajikan berkenaan bagi menyelami kehidupan mereka serta meneliti tahap kesihatan masing-masing.

"Kami turut menghulurkan bekalan ubat-ubatan selain makanan tambahan bagi kegunaan anak yatim berkenaan menerusi sumbangan Tabung Kebajikan Doktor-Doktor Pakar KPPGSH selain barangan dapur, bantal dan selimut," katanya.

Antara pengisian program berkenaan termasuk persembahan tarian singa, aktiviti menggaul yee sang serta penyampaian sumbangan dan angpau kepada anak yatim berkenaan.

Sementara itu, Pengasas Pertubuhan Kebajikan Cheng En, Irene Loh berkata, pihaknya bersyukur kerana masih ada masyarakat prihatin terhadap nasib anak yatim di rumah kebajikan berkenaan.

"Saya bersyukur pemeriksaan dijalankan mendapati kesemua mereka bebas daripada HFMD," katanya.



FAKTA
Amalan kebersihan dalam kalangan kanak-kanak membendung penyakit HFMD



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
25 FEBRUARI 2018
AHAD



AKHBAR	TAJUK BERITA	M/S
NEW STRAITS TIMES	JOHOR MB: OPPOSITION FIXATED ON WINNING, NOT FIXING ISSUES	2
UTUSAN MALAYSIA	FESTIVAL LAYANG-LAYANG SEDUNIA BERMULA 28 MAC	3
UTUSAN MALAYSIA	PERTARUH NAMA BESAR HANYA MAHUKAN KERUSI	4
SINAR HARIAN	KUALITI PROJEK PPR BERBEZA: KPKT	5
SINAR HARIAN	BERI KHIDMAT TERBAIK KEUTAMAAN BN JOHOR	6



NEW STRAITS TIMES

FEBRUARY 25, 2018 . NewSundayTimes

NEWS

5

GE14

Johor MB: Opposition fixated on winning, not fixing issues

PASIR GUDANG: Johor Barisan Nasional (BN) said Pakatan Harapan's move to enlist big-name candidates in the 14th general election (GE14) shows that the opposition is fixated on winning seats, not resolving public issues.

Menteri Besar Datuk Seri Mohamed Khaled Nordin, who is state BN chairman, said in contrast, the state government was focused on solving problems in the community, not just to win votes.

"Our actions do not revolve around retaining or wresting back seats. (Our) priority has always been to serve the people (by helping them) face challenges, and ensuring that they (benefit from) development (in the



Datuk Seri Mohamed Khaled Nordin

state)," he said. Khaled added that by recruiting only big-name candidates, the opposition had demonstrated that it did not have the community's welfare at heart.

"I believe Johor voters can decide what is the best choice for their future," said Khaled, who had earlier attended the SK Taman Scientex parent-teacher association's annual general meeting. On a survey by the Merdeka Centre that suggests Jo-

hor BN was in a precarious situation, Khaled said he was not bothered by it.

"There have been many research works published. There is no guarantee on this matter as anything can happen."



UTUSAN MALAYSIA

Festival Layang-Layang Sedunia bermula 28 Mac

UM
25/2

JOHOR BAHRU 24 Feb. - Festival Layang-Layang Sedunia Pasir Gudang (FLLSPG) yang semakin dikenali di seluruh dunia akan menganjurkan majlis prapelancongan, Ahad ini.

Majlis tersebut yang akan diadakan di Paradigm Mall di sini pada pukul 2 petang di sempurnakan Pengerusi Jawatankuasa Pelancongan, Perdagangan Dalam Negeri dan Kepenggunaan negeri, Datuk Tee Siew Kiong.

Satu sesi pembentangan acara FLLSPG akan dilakukan oleh Yang Dipertua Majlis Perbandaran Pasir Gudang (MPPG), Hasrin Kamall Hashim.

Selepas itu, gimik pelancongan promosi dilakukan di pintu masuk utama dengan melepaskan kumpulan motosikal MPPG sebelum melakukan promosi bergerak.

Festival tahunan yang bermula sejak 1995 itu akan berlangsung selama lima hari bermula 28 Februari hingga 4 Mac ini di Bukit Layang-Layang, Pasir Gudang, dekat sini.

FLLSPG bukan sahaja suatu upacara pertunjukan layang-layang yang mengumpulkan peserta tempatan dan antara-



bangsa tetapi juga merayakan budaya dan tradisi bermain layang-layang.

Setiap tahun lebih 1,000 penyertaan diterima termasuk dari China, Indonesia, Australia, Jepun, England, Rusia, Thailand, Brazil serta Singapura.

Festival berkenaan dianjurkan MPPG dengan kerjasama Jabatan Pelancongan Negeri Johor, Persatuan Pelayang Johor dan Majlis Pelayang Malaysia.



SUASANA meriah dalam Festival Layang-Layang Sedunia Pasir Gudang (FLLSPG) yang akan bermula dari 28 Februari hingga 4 Mac ini di Bukit Layang-Layang, Pasir Gudang, Johor. - MINGGUAN/RAJA JAAFAR ALI



UTUSAN MALAYSIA

Pertaruh nama besar hanya mahukan kerusi

UM 25/2

PASIR GUDANG 24 Feb. - Percaturan Pakatan Harapan untuk meletakkan nama-nama besar bertanding dalam Pilihan Raya Umum Ke-14 (PRU-14) di negeri ini sebenarnya hanya sekadar mahukan kerusi dan bukan berkhidmat untuk rakyat.

Pengerusi Barisan Nasional (BN) Johor, Datuk Seri Mohamed Khaled Nordin berkata, keadaan itu berbeza dengan BN yang meletakkan calon supaya dapat berkhidmat sepenuhnya untuk rakyat.

"Kalau semata-mata nak letak nama besar untuk bawa isu nasional dan hanya menang kerusi, dia (pembangkang) mungkin tidak dapat memenuhi kehendak serta keperluan masyarakat.

"Kita bukan sahaja semata-mata nak kejar kerusi tetapi yang penting dapat memberi perkhidmatan terbaik kepada masyarakat dan bersama-sama membangunkan dasar bukan sahaja berhadapan dengan cabaran, tetapi memenuhi keperluan masyarakat," katanya.

Beliau berkata demikian kepada pemberita selepas merasmikan Mesyuarat Agung Persatuan Ibu Bapa dan Guru (PIBG) dan Hari Anugerah Cemerlang Sekolah Kebangsaan Taman Scientex di sini hari ini.

Beliau mengulas cadangan Pakatan Harapan untuk meletakkan nama-nama besar antaranya Pengerusi Pakatan Harapan, Tun Dr. Mahathir Mohamad bertanding di Parlimen Pontian dan Naib Presiden PKR, Nurul Izzah Anwar di Parlimen Johor Bahru.



MOHAMED KHALED NORDIN memukul gong sebagai simbolik perasmian Mesyuarat Agung Persatuan Ibu Bapa dan Guru (PIBG) dan Hari Anugerah Cemerlang Sekolah Kebangsaan Taman Scientex di Pasir Gudang, Johor, semalam.

Tidak terkecuali juga cadangan meletakkan calon di Parlimen Sembrong yang diwakili Naib Presiden UMNO, Datuk Seri Hishammuddin Tun Hussein dan Parlimen Sri Gading yang disandang Timbalan Menteri Pengangkutan, Datuk Ab. Aziz Kaprawi.

Mohamed Khaled yang juga Menteri Besar Johor berkata, kerajaan ketika ini berjaya menangani isu-isu dihadapi rakyat termasuk

melaksanakan pendekatan intervensi atau idea baharu dalam menyelesaikan masalah.


Beliau yakin masyarakat di Johor terutama pengundi dapat membezakan dan membuat penilaian terbaik terhadap pihak yang mampu dan benar-benar berkhidmat untuk mereka.

Mengenai kajian dan analisis sebuah portal yang melaporkan BN di negeri ini akan tumbang pada PRU-14, beliau berkata, pihaknya

tidak ambil peduli perkara tersebut.

Beliau yang juga Ahli Dewan Undangan Negeri (ADUN) Permas berkata, ini kerana banyak pihak melakukan perkara yang sama tetapi dengan hasil berbeza.

"Terdapat macam-macam kajian ada (yang kata) menang, tengok siapa yang buat kajian itu. Sebab itu saya tidak beri perhatian utama (terhadap hasil kajian tersebut)," katanya.



SINAR HARIAN

SINAR 05/12/18

Kualiti projek PPR berbeza: KPKT

PASIR GUDANG - Rakyat tidak perlu bimbang kualiti pembinaan projek Program Perumahan Rakyat (PPR).

Timbalan Menteri Kesejahteraan Bandar, Perumahan dan Kerajaan Tempatan (KPKT), Datuk Halimah Mohamad Sadiq berkata, unit kediaman dalam program itu tidak sama dengan rumah murah atau kos rendah yang pernah dibina sebelum ini.

"Setiap unit rumah yang dibina mempunyai keluasan 700 kaki persegi, lengkap dengan tiga bilik tidur, dua bilik air, ruang tamu, ruang makan dan dapur.

"Saya percaya apa disediakan kerajaan mampu beri keselesaan kepada bakal penghuni kelak," katanya ketika berucap pada Majlis Pecah Tanah dan Pelancaran PPR Masai, baru-baru ini.

Halimah berkata, atas keprihatinan Kerajaan Persekutuan di bawah pentadbiran BN yang sentiasa mendahulukan rakyat, kadar sewaan unit-unit rumah



HALIMAH

PPR hanya RM124 sebulan sahaja.

"Kadar ini rendah berbanding sewa rumah yang setara mencecah RM500 hingga RM600 sebulan.

"Ini bermakna setiap bulan penghuni dapat jimatkan perbelanjaan bulanan untuk sewaan rumah sehingga RM400 sebulan," katanya.

Selain itu, katanya, sekiranya kerajaan rasakan unit-unit rumah itu layak

dijual kepada penghuni, kadar harga jualan ditetapkan RM35,000 sahaja.

"Berbanding kos pembinaan dikeluarkan kerajaan, setiap pembeli berkecukupan akan dapat subsidi sehingga RM150,000 seorang.

"Inilah contoh kerajaan yang sentiasa memulangkan semula hasil negara diperolehi kepada rakyat," katanya.

Mengulas mengenai PPR Masai, beliau berkata, projek itu diusahakan sendiri Menteri Besar, Datuk Seri Mohamed Khaled Nordin yang juga Adun Permas.



SINAR HARIAN

Beri khidmat terbaik keutamaan BN Johor

SINAR 25/2/2018

PASIRGUDANG - BN Johor meletakkan keutamaan memberi perkhidmatan terbaik kepada masyarakat dan bukannya semata-mata memenangi kerusi pada pilihan raya umum akan datang.

Pengerusinya, Datuk Seri Mohamed Khaled Nordin berkata, menjadi hasrat BN Johor untuk memastikan pelbagai dasar dapat dibangunkan walaupun berdepan cabaran demi memenuhi keperluan rakyat.

Menurutnya, berbeza dengan pakatan pembangkang, BN Johor sedar tidak cukup untuk sekadar membawa pelbagai perkara yang hanya berkaitan dengan isu nasional sahaja.

"Tapi kita juga mesti dapat wakil masyarakat mengatasi apa

sahaja cabaran mereka hadapi.

"Kita harus sedar kita hidup dalam zaman penuh cabaran.

"Zaman kompleks keadaannya dan kita perlu mencari dan mampu untuk melahirkan penyelesaian-penyelesaian," katanya ketika ditemui selepas menghadiri Hari Anugerah Kecemerlangan dan Mesyuarat Agung PIBG Sekolah Kebangsaan Taman Scientex, semalam.

Mohamed Khaled berkata, kerajaan pimpinan BN sedar cabaran dihadapi rakyat, namun pendekatan diambil bagi menyelesaikan perkara itu menerusi intervensi.

Katanya, antara intervensi dilakukan kerajaan adalah menanggung perbelanjaan yuran per-sekolahan, pemberian buku teks selain kadar rawatan di hospital yang sangat rendah.



Mohamed Khaled menyampaikan anugerah kecemerlangan kepada salah seorang murid SK Taman Scientex.

"Semua negara hadapi kos hidup tinggi, tetapi kerajaan lakukan intervensi," katanya.

Beliau berkata, di peringkat kerajaan negeri pula, banyak intervensi dilakukan seperti perkhidmatan

bas percuma, subsidi tambang bas dan banyak lagi.

"Jadi di sini rakyat patut faham dan sedar intervensi-intervensi yang dilakukan kerajaan.

"Atas sebab itu kalau semata-mata nak letak nama besar untuk bawa hanya isu nasional dan hanya untuk menang kerusi, dia mungkin tidak dapat penuhi keperluan masyarakat," katanya.

Mohamed Khaled berkata, rakyat berdepan banyak cabaran yang kompleks berbeza daripada terdahulu dan memerlukan penyelesaian.

Pengerusi Umno Johor itu percaya masyarakat khususnya pengundi di Johor dapat membezakan antara BN dan pakatan pembangkang, sekali gus buat penilaian terbaik pada PRU14.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
26 FEBRUARI 2018
ISNIN



AKHBAR	TAJUK BERITA	M/S
SINAR HARIAN	500,00 DIJANGKA MERIAHKAN FLLSPG	2
UTUSAN MALAYSIA	RM575 JUTA BINA PPR	3



SINAR HARIAN

500,000 dijangka meriahkan FLLSPG

S/H 26/2/18



Siew Kiong (tengah) mencuba teknik sobek untuk menyiapkan wau sambil diperhatikan A Rahim Nin (kanan) di Paradigm Mall, semalam.

JOHOR BAHRU - Kira-kira 500,000 pengunjung dijangka membanjiri Festival Layang-Layang Sedunia Pasir Gudang (FLLSPG) kali ke-23 yang akan diadakan di Bukit Layang-Layang, Pasir Gudang pada 28 Februari hingga 4 Mac nanti.

Exco Pelancongan, Perdagangan Dalam Negeri dan Kepenggunaan negeri, Datuk Tee Siew Kiong berkata, sebanyak 44 buah negara akan mengambil bahagian pada festival berkenaan.

Menurutnya, festival yang bertemakan memperkasa komuniti dunia itu dijangka melibatkan penyertaan 1,000 pelayang termasuk 200 penyertaan dari luar negara.

"Antara negara yang mengambil bahagian termasuklah China, Indonesia, Australia, Jepun, Singapura, Jerman, Perancis, England, Belanda, Turki, Poland, Rusia, Ukraine, Amerika Syarikat dan Brazil.

"Dua negara baharu iaitu Finland dan Norway turut menyatakan persetujuan untuk terlibat dalam festival ini," katanya ketika maj-

lis Pra-pelancaran FLLSPG ke-23 di Paradigm Mall, di sini, semalam.

Hadir sama, Yang Dipertua Majlis Perbandaran Pasir Gudang (MPPG), Hasrin Kamal Hashim, Presiden Majlis Pelayang Malaysia (MPM) merangkap Yang Dipertua Persatuan Pelayang Johor (PPJ), A Rahim Nin dan Pengarah Tourism Johor, Abdul Malik Ismail.

Festival tahunan yang bermula sejak 1995 itu dianjurkan MPPG dengan kerjasama Jabatan Pelancongan Negeri Johor, MPM dan PPJ dengan kerjasama pelbagai pihak.

FLLSPG kali ini turut mengekalkan kerjasama dengan Pejabat Wilayah Satu, Thailand menerusi Festival Layang-layang Antarabangsa 2018 kali ke-38 yang bermula 23 hingga 26 Februari.

Siew Kiong berkata, sejumlah lebih RM1 juta diperuntukkan untuk penganjuran FLLSPG kali ini dan untuk keselesaan pengunjung, Bukit Layang-layang sedang dinaik taraf dengan kos RM1.8 juta.



UTUSAN MALAYSIA

RM575 juta bina PPR ^{4/m}_{26/2/18}

Oleh **ZULHISHAM ISAHAK**
 utusanjohor@utusan.com.my

■ PASIR GUDANG 25 FEB.

KERAJAAN Persekutuan membina 14,425 unit rumah Program Perumahan Rakyat (PPR) di seluruh Johor sejak 2001 hingga 30 September lalu.

Daripada jumlah tersebut, 8,278 unit sudah siap dibina dengan kos RM575 juta manakala 4,717 unit lagi sedang dibina sementara 1,430 unit dalam perancangan.

Menteri Besar, Datuk Seri Mohamed Khaled Nordin berkata, berdasarkan jumlah pembinaan PPR itu, Johor merupakan negeri ketiga terbanyak menerima projek perumahan tersebut.

"Selain PPR, kerajaan negeri juga membina Rumah Mampu Milik Johor (RMMJ) yang kita sasarkan 100,000 buah unit pembinaannya menjelang tahun 2023. "Sehingga suku akhir tahun lalu,

sebanyak 16,010 unit RMMJ berjaya disiapkan daripada sasaran 60,000 unit iaitu 27 peratus dalam tempoh hanya tiga tahun," katanya.

Beliau berkata demikian dalam sidang akhbar selepas menyempurnakan majlis perasmian Pecah Tanah dan Pelancaran PPR Masai di Kampung Sepakat, Masai, di sini kelmarin.

Yang turut hadir Timbalan Menteri Kesejahteraan Bandar, Perumahan dan Kerajaan Tempatan, Datuk Halimah Mohamed Sadique; Ahli Parlimen Pasir Gudang, Datuk Normala Abdul Samad; Timbalan Ketua Setiausaha (Pengurusan) kementerian itu, Datuk Khairul Dzaimie Daud dan Timbalan Pengerusi YPJ Holdings Sdn. Bhd., Elias Hasran.

Mengenai PPR Masai, Mohamed Khaled memberitahu, sebanyak 330 unit rumah pangsa bagi PPR Masai dengan peruntukan RM60.9 juta akan dibangunkan dalam tempoh tiga tahun ini.

Katanya, pembinaan PPR Masai bermula dalam bulan ini dan dijangka siap pada 21 Februari 2021 lengkap dengan kemudahan awam seperti surau, kedai, dwan komuniti dan taska.

PPR Masai itu ujarnya, ditawarkan kepada semua kaum pada kadar sewaan RM124 sebulan manakala harga jualan kepada penyewa yang layak adalah bernilai RM35,000 seunit.

Menurutnya, PPR Masai mempunyai tiga blok, setinggi 12 tingkat berkeluasan 700 kaki persegi selain empat rumah dengan kemudahan orang kurang upaya (OKU) di tingkat bawah disediakan.

Beliau yang juga Ahli Dewan Undangan Negeri (ADUN) Permas berkata, PPR Masai merupakan satu daripada empat projek perumahan itu yang dilancarkan Perdana Menteri pada tahun lalu selain PPR Ulu Tiram, PPR Permas Jaya dan PPR Bandar Tenggara.

MOHAMED KHALED NORDIN memukul gong merasmikan Mesyuarat Agung Persatuan Ibu Bapa dan Guru (PIBG) dan Hari Anugerah Cemerlang Sekolah Kebangsaan (SK) Taman Scientex, Pasir Gudang, Johor, baru-baru ini.



PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG
27 FEBRUARI 2018
SELASA



AKHBAR	TAJUK BERITA	M/S
KOSMO	FESTIVAL LAYANG-LAYANG SEDUNIA PASIR GUDANG BERMULA ESOK	2
UTUSAN MALAYSIA	500,000 PENGUNJUNG DIJANGKA MERIAHKAN FLLSPG KE-23	3
UTUSAN MALAYSIA	KONVOI MOTOSIKAL JELAJAH JOHOR	4



KOSMO

Festival Layang-layang Sedunia Pasir Gudang bermula esok

27/2/18
\$KOSMO

JOHOR BAHRU - Sebanyak 45 negara mengesahkan penyertaan dalam Festival Layang-Layang Sedunia Pasir Gudang 2018 yang akan diadakan di Bukit Layang-layang, Taman Bandar Pasir Gudang mulai esok sehingga 4 Mac depan.

Pengerusi Jawatankuasa Pelancongan, Perdagangan dan Kepenggunaan negeri, Datuk Tee Siew Kiong berkata, festival berkenaan yang memasuki edisi ke-23 penganjurannya tahun ini bakal menyaksikan penyertaan baharu dari Finland dan Norway.

"Ini adalah masa yang tepat untuk mempromosikan lagi negeri Johor dan juga Malaysia di mata dunia khususnya dalam merencanakan sektor pelancongan," katanya kepada pemberita selepas merasmikan majlis pra pelancaran festival itu di Paradigm Mall di sini semalam.

Siew Kiong memberitahu, lebih 500,000 pengunjung dijangkakan bakal membanjiri festival berkenaan dengan membabit-



SEORANG pelayang asing memerhatikan layang-layangnya naik ke udara pada Festival Layang-Layang Sedunia Pasir Gudang tahun lalu. - Gambar hiasan

kan sebanyak 1,157 peserta antarabangsa dan tempatan.

Selain itu, beberapa acara lain turut diketengahkan sempena festival itu termasuk persembahan istimewa Eco World Symphony Drummer, pelancaran buku *Keunikan Pertandingan*

Wau Tradisi Kebanggaan Malaysia dan persembahan layang-layang bercahaya komuniti 24 Zon dalam Pasir Gudang.

Sebanyak 300 buah gerai dan pameran turut disediakan bagi memeriahkan suasana festival tersebut.



UTUSAN MALAYSIA

500,000 pengunjung dijangka meriahkan FLLSPG ke-23 21/2/18 u/m

JOHOR BAHRU 26 Feb. – Lebih 500,000 pengunjung dijangka memeriahkan Festival Layang-Layang Sedunia Pasir Gudang (FLLSPG) kali ke-23 di Bukit Layang-Layang, Pasir Gudang di sini.

FLLSPG yang akan berlangsung pada 28 Februari hingga 4 Mac ini dengan bertemakan Memperkasakan Komuniti Dunia bakal melibatkan 1,000 pelayang termasuk 200 penyertaan dari luar negara.

Pengerusi Jawatankuasa Pelancongan, Perdagangan Dalam Negeri dan Kepenggunaan negeri, Datuk Tee Siew Kiong berkata, sebanyak 44 buah negara akan mengambil bahagian pada festival kali ini.

“Antara negara yang telah mengesahkan akan mengambil bahagian ialah China, Indonesia, Australia, Jepun, Singapura, Jerman, Perancis, England, Belanda, Turki, Poland, Rusia, Ukraine, Amerika Syarikat dan Brazil.

“Pada kali ini terdapat dua penyertaan negara baru iaitu dari Finland dan Norway,” katanya dalam sidang akhbar dan Pra pelancaran FLLSPG ke-23 di Paradigm Mall di sini semalam.

Selepas itu gimik pelancaran



TOURISM JOHOR

promosi dilakukan di pintu masuk utama Paradigm Mall dengan melepaskan kumpulan motosikal MPPG sebelum melakukan promosi bergerak ke daerah-daerah.

Yang turut hadir Yang DiPertua Majlis Perbandaran Pasir Gudang (MPPG), Hasrin Kamal Hashim; Presiden Majlis Pelayang Malaysia (MPM) merangkap Yang DiPertua Persatuan Pelayang Johor (PPJ), A. Rahim Nin dan Pengarah Tour-

rism Johor, Abdul Malik Ismail.

Festival tahunan yang bermula sejak 1995 itu dianjurkan MPPG dengan kerjasama Jabatan Pelancongan Negeri Johor, MPM dan PPJ dengan kerjasama pelbagai pihak.

Siew Kiong berkata, lebih RM1 juta diperuntukkan untuk penganjuran FLLSPG kali ini dan untuk keselesaan pengunjung, Bukit Layang-layang sedang dinaik taraf dengan kos RM1.8 juta.

“Antara acara menarik FLLSPG adalah pelancaran Buku Wau Tradisi Kebangsaan Malaysia, Pertandingan Layang-layang Ciptaan Bebas Peringkat Komuniti, Persembahan Layang-layang Berbahaya dan Persembahan Kumpulan Eco World Symphony Drummers,” katanya.

Menariknya FLLSPG terus mengekalkan kerjasama dengan Pejabat Wilayah Satu, Thailand menerusi Festival Layang-layang Antarabangsa 2018 kali ke-38 bermula 23 hingga 26 Februari.

Selepas FLLSPG di Pasir Gudang, sebahagian pesertanya akan dibawa ke Festival Layang-layang Kabong 2018 di Pantai Tanjung Kembang, Kabong, Sarawak pada 9 hingga 12 Mac.



TEE SIEW KIONG (tengah) mencuba teknik sobek menyiapkan wau sambil diperhatikan A. Rahin Nin (kanan) selepas sidang akhbar dan Pra Pelancaran FLLSPG ke-23 di Paradigm Mall, Skudai, Johor Bahru, Johor, kelmarin.



UTUSAN MALAYSIA



TEE SIEW KIONG (kanan) dan A. Rahim Nin (dua dari kanan) melepaskan konvoi jelajah FLLSPG ke-23 di pintu masuk utama Paradigm Mall, Skudai, Johor Bahru, Johor, kelmarin.

Konvoi motosikal jelajah Johor

27/2/18
4/m

JOHOR BAHRU 26 Feb. - Program jelajah bermotosikal bertujuan mempromosikan Festival Layang-Layang Sedunia Pasir Gudang (FLLSPG) kali ke-23 disempurnakan Pengerusi Jawatankuasa Pelancongan, Perdagangan Dalam Negeri dan Kepenggunaan negeri, Datuk Tee Siew Kiong di sini semalam.

Pelepasan itu dilakukan di pintu masuk utama Paradigm Mall yang melibatkan 26 peserta menunggang 20 motosikal pelbagai kapasiti kuasa dan dua buah kenderaan pacuan empat roda.

Jelajah selama tiga hari bermula hari ini akan merentasi beberapa daerah di Johor seperti Iskandar Puteri, Kulai, Pontian, Batu Pahat, Muar, Kluang, Kota Tinggi dan Pasir Gudang.

Pengerusi Jawatankuasa Pelancongan, Perdagangan Dalam Negeri dan Kepenggunaan negeri, Datuk Tee Siew Kiong berkata, mereka akan mengedarkan risalah promosi dan program berbentuk aktiviti interaktif bersama-sama masyarakat.

"Peserta terdiri daripada 18 anggota Majlis Perbandaran Pasir Gudang (MPPG) dan lapan anggota polis pengiring untuk menyajikan jelajah ini," katanya.

Beliau berkata demikian dalam sidang akhbar dan Pra pelancaran FLLSPG ke-23 di Paradigm Mall sebelum melancarkan gimik pelancaran jelajah berkenaan.

Yang turut hadir Yang DiPertua MPPG, Hasrin Kamal Hashim; Presiden Majlis Pelayang Malaysia

“Mereka akan mengedarkan risalah promosi dan program berbentuk aktiviti interaktif bersama-sama masyarakat.”

TEE SIEW KIONG
Pengerusi Jawatankuasa Pelancongan, Perdagangan Dalam Negeri dan Kepenggunaan negeri

(MPM) merangkap Yang Dipertua Persatuan Pelayang Johor (PPI), A. Rahim Nin dan Pengarah Tourism Johor, Abdul Malik Ismail.

Festival tahunan yang bermula sejak 1995 itu dianjurkan MPPG dengan kerjasama Jabatan Pelancongan Negeri Johor, MPM dan PPI dengan kerjasama pelbagai pihak.

Menariknya FLLSPG terus mengekalkan kerjasama dengan Pejabat Wilayah Satu, Thailand menerusi Festival Layang-layang Antarabangsa 2018 kali ke-38 bermula 23 hingga 26 Februari.

Selepas FLLSPG di Pasir Gudang, sebahagian pesertanya akan dibawa ke Festival Layang-layang Kabong 2018 di Pantai Tanjung Kembang, Kabong, Sarawak pada 9 hingga 12 Mac.

